

四庫全書薈要

• 乾隆御覽本

集部

欽定四庫全書薈要

集部

五百家註昌黎文集卷六  
七



臣

王杰詳校

詳校官助教  
臣常循

五百家註昌黎文集卷六 宋 魏仲舉 編

古詩

符讀書城南



樊曰符公之子城南公別墅所在孟東野詩有喜符郎詩有天縱有遊城南韓氏庄之作張籍詩有子符奉其言有養疾城南庄之語按公墓誌及登科記公子曰昶登進士第在長慶四年此云符則疑爲昶之小字也元和十一年秋作

木之就規矩在梓匠輪輿

孫曰梓匠輪輿皆木工也梓匠曰孟子盡心梓匠輪輿能與

人規矩不人之能爲人由腹有詩書詩書勤乃有不勤

腹空虛欲知學之力賢愚同一初由其不能學所入遂

異閭閭門也兩家各生子提孩巧相如巧一作兩少長聚嬉戲

李公彥云少多少之少祝曰前漢及太子少長知妃色又匈奴傳兒能騎羊引弓射鳥鼠少長則射狐兔注少長言漸大也少書不殊同隊魚補注山谷次韻高子勉有云忽作飛黃去頻超

沼切長展兩切同隊魚皆用公語也年至十二三頭角稍相踈二十漸垂張清溝

映汚渠三十骨骼成集註說文禽獸骨曰骼此云骨骼爲一龍一豬而言也杜工部瘦馬

行骨骼碑兀如堵墻禮乃一龍一豬飛黃騰蹋去孫曰淮南記掩骼埋胔骼音格

子黃帝時飛黃服阜飛黃神馬也韓曰詩乘彼乘黃選張景陽七命整頓雲輅駘飛黃不能顧蟾

蜍童曰蟾蜍蝦蟆也上一為馬前卒鞭背生蟲蛆祝曰

在肉中後漢至乃體生蟲蛆。一為公與相潭潭府中

居補注上舍陸唐老曰退之不絕吟六藝之文不停披

百家之編招諸生立館舍勉勵其行業之未至而深

戒其責望於有司此豈有利心於吾道者佛骨一疏議

論奮激曾不以去就禍福回其操原道一書累千百言

攘斥異端用力殆與孟軻氏等退之所學所行亦無愧

矣惟待讀書城南一詩乃微見其有戾於向之所得者

駭目潭潭之居揜鼻蟲蛆之背切切然餌

其幼子以富貴利達之美此豈故韓愈哉

學與不學歟金壁雖重寶費用難貯儲學問藏之身身

在則有餘

則一作即

君子與小人不繫父母且

韓曰詩巧言悠悠昊天曰

父母且且語助也。且子魚切

不見公與相起身自犁鋤不見三公後

寒饑出無驢

樊曰荀子雖王公大夫之子孫也不能屬於禮義則歸之庶人之子孫也積文學正

身行能屬於禮義則歸之卿相士大夫

文章豈不貴經訓乃菑畬

祝曰易不菑畬

爾雅田一歲曰菑三歲曰畬孫曰菑畬耕也言文章當以經訓為本韓曰以經訓為菑畬則班超所謂筆耕也補注呂原明雜紀云杜子美詩云文章一小技於道未為尊文章者載道之器安得謂之小技顧所用如何耳韓退之詩曰文章豈不貴經訓乃菑畬

潢潦無根源

潢積水潦

暴疾之水祝曰左氏潢汚行潦之水。潢胡光切潦音老

朝滿夕已除

韓曰孟子曰苟為無本七

八月之間而集溝澮皆盈其涸也可立而待也

人不通古今

一作今古

焉年而襟裾

襟裾衣也樊曰孟子飽食煖衣逸居而無教則近於禽獸前漢韓生曰人謂楚人沐猴而冠公此聯義則孟子

句法則

行身陷不義况望多名譽

音歟

時秋積雨霽

一作閏

新凉入郊墟

郊墟郊野也祝曰說文墟大丘也左氏有莘之墟禮記墟墓之間○墟丘於切燈

火稍可親簡編可卷舒豈不旦夕念為爾惜居諸

孫曰居諸

謂日月詩日居月諸

思義有相奪

孫曰思以愛之義以教之

作詩

勸躊躇

孫曰躊躇猶豫不決兒樊曰魯直嘗書此詩跋其後曰或謂韓公當開後生以性命之學不當

誘之以富貴榮顯浩翁曰熙寧元豐間大儒之過也又何學焉孔子曰齊景公有馬千駟死之日民無得而稱

馬伯夷叔齊餓於首陽之下民到於今稱之  
韓公之言其於勸獎之功異起而同歸也云

# 示爽

韓曰求之譜系公諸子姪皆無名爽者有妹  
孫相者字北渚老成長子登長慶三年進士  
第終大理丞爽

豈湘小字耶

宣城去京國

孫曰宣城宣州

里數逾三千念汝欲別我解裝具

盤筵

孫曰解裝典衣

日昏不能散起坐相引牽

孫曰相牽艱也

冬夜豈

不長達旦燈燭然座中悉親故誰肯捨汝眠念汝將一

身西來曾幾年

孫曰西來來京師也

科名掩衆俊

韓曰言爽來京師登第也科名



一作州考居吏前

孫曰考謂考課居吏前最課也

今從府公召

韓曰疑與第後

從宣歙觀察使辟為府從事

府公又時賢時輩千百人孰不謂汝妍

妍美也

此來江南近

孫曰宣城在江之南公有別業在宣城此一作汝

里閭故依

然昔日同戲兒看汝立路邊人生但如此

但一作得

其實亦

可憐吾老世味薄因循致留連強顏班行內

韓曰公時知制誥故

云行伍也行胡郎切

何實非罪愆才短難自立懼終莫洗湔

湔沾也○

昔臨分不汝誑有路即歸田

孫曰歸謂歸宣城也韓曰陶淵明歸去來詞田園將

燕胡不歸

# 人日城南登高

孫曰東方朔占書歲正月一日占雞二日占狗三日占猪四日占羊五日占牛六日占馬七日占人樊曰荆楚歲時記正月七日為人日董勛問禮俗正月一日為雞二日為狗三日為猪四日為羊五日為牛六日為馬七日為人韓曰城南公別墅所在以故親交子姪來之集也

初正候纔兆

兆萌也

涉七氣已弄

孫曰七謂七日氣謂陽氣

靄靄野浮

陽

孫曰靄靄陽氣貌

暉暉水披凍

披散也

聖朝身不廢佳節古所用

親交既許來子姪亦可從盤蔬冬春雜罇酒清濁共令

徵前事為

韓曰劉貢父云唐人飲酒喜以令為罰今人以絲管歌謳為令即白傳所謂醉翻襴衫拋

小令是也其舉故事物色為令即公所謂令徵前事為是也徵舉也○令去聲觴詠新詩送

義之記蘭亭扶杖陵圯址集注扶扶也圯毀也覆也址云一觴一詠

太玄經豐牆峭址址之市刺船犯枯葑韓曰莊子漁父切或作趾者非趾交趾也

刺船而去祝曰葑菰根江東有葑田梁庾肩吾詩黑米生菰葑○刺七亦切葑方用切戀池羣鴨

迴釋嶠孤雲縱祝曰釋離也嶠山銳而高也人生本坦

蕩韓曰論語君子坦蕩蕩誰使妾倥偬倥偬困貌祝曰楚辭愁倥倥於山陸注倥偬猶困苦

也控粽直指桃李闌孫曰闌尋幽寧止重重再也一作

飲定四庫全書五百家註昌黎文集

病鵑

唐曰說文鵑鶯也鳥之貪惡者其性好攫而善飛公意蓋有所譏也韓曰必有人焉如鵑鳥之惡忽墮水溝公既救其死命復作詩誡之云耳

屋東惡水溝

孫曰惡水濁水也左氏傳有汾澮以流其惡

有鵑墮鳴悲青泥

淹兩翅

韓曰周庾信游仙詩青泥美熟芝淹漬也○於廉切一本作揜拍拍不得離孫曰

拍拍欲飛貌

羣童叫相召瓦礫爭先之

祝曰釋名小石曰礫楚辭瓦礫進實兮捐

奔隨和礫音歷

計校生平事殺却理亦宜奪攘不愧耻飽滿盤

天嬉晴日占光景高風送追隨

送一作恣隨一作飛

擬凌鸞鳳羣

擬一作遂 肯顧鴻鵠卑

一作鵠鴈卑 孫曰自奪攘不愧 耻以下皆前所云計較平生事

者也此以譏小人之得位凌侮君子者

今者運命窮遭逢巧丸兒中汝要

害處汝能不得施於吾乃何有不忍乘其危救汝將死

命

救字一作 丐一作與

浴以清水池朝餐輟魚肉瞑宿防狐狸自

知無以致蒙德久猶疑飽入深竹叢飢來傍階基諒無

責報心固以聽所為昨日有氣力飛跳弄藩籬今晨忽

徑去曾不報我知

樊曰後漢楊寶嘗至華陰山見一黃雀為鵠鵠所搏墜於木下為螻蟻所

困寶取歸食之百餘日毛羽成放去一夕讀書未卧有黃衣童再拜曰我西王母使者荷君仁愛拯放今來拜

謝因以白環四枚與寶曰令君子孫潔白位登三事當  
如此環其後震秉賜彪四世三公病鵠其亦異夫黃雀  
之報

僥倖非汝福天衢汝休窺

孫曰天衢天路也以喻高顯之位韓曰易何天

之衢

京城事彈射豎子豈易欺

豈一作不

勿諱泥坑辱泥坑

乃良規

### 華山女

洪曰記事云安能從汝巢神山謝自然云童  
駭無所識誰氏子云不從而誅未晚耳桃源  
云神仙有無何渺茫退之倔強如此然此詩  
頗假借不知何故如洗粧拭面者冠帔白咽  
紅頰長者青即知女道士也韓曰詩雖記當  
時所見然意蓋指一時佛老之盛排斥之意

寓於  
詩云

街東街西講佛經  
撞鐘吹螺開宮庭

孫曰鐘螺佛家樂  
範○螺落戎

廣張罪福資誘脅

資助也

聽衆狎恰排浮萍

狎恰一作恰似

黃衣

道士亦講說

韓曰論語黃衣狐裘禮記黃冠黃衣而祭息田夫也野夫黃冠黃冠草服也

座

下寥落如明星  
華山女兒家奉道欲驅異教歸仙靈  
洗

粧拭面著冠帔

著陟畧切

白咽紅頰長眉青  
遂來陞座演真

訣

祝曰史記文王居美里演周易演數演也真訣仙經演以淺切

觀門不許人開  
扃不

知誰人暗相報  
旬然振動如雷霆

張曰旬大聲○旬呼宏切

掃除衆

寺人跡絕

孫曰此言聽佛經者皆輻湊至觀乎聽華山女之講

驂騑塞路連輜輶

驂騑良馬名輜輶衣車也前後有蔽韓曰以自隱蔽之車後漢輜輶曜日苗萍二音

觀中人滿坐

觀外後至無地無由聽抽釵脫釧解環珮堆金疊玉光

晶熒

祝曰熒光也選煌煌熒熒晶亦光也熒音螢晶音精

天門貴人傳詔召

孫曰天門

謂宮掖貴人謂黃門也

六宮願識師顏形

孫曰禮記天子后立六宮注天子六寢六宮在

後

玉皇領首許歸去

孫曰玉皇天帝

乘龍駕鶴來青冥

孫曰青冥雲霄

豪家少年豈知道來統百市脚不停雲窻霧閣事恍惚

韓曰太白詩歸來桃花品得愁雲窻眠

重重翠幔深金屏仙梯難攀俗緣



重浪憑青鳥通丁寧

樊曰漢武帝故事七月七日上於承華殿齊正中忽有一青鳥從西

方來集上問東方朔朔曰此西王母欲來有頃王母至有三青鳥如鳥夾侍王母旁詩意蓋取此青鳥一作三

鳥一作

三鳥

### 讀皇甫湜公安園池詩書其後

樊曰公集有和湜陸渾山火及書公安園池詩後今考持正集二詩皆亡其它詩亦未嘗有一傳世者偶然逸耶抑皆不足以傳世也劉貢父云持正不能詩持撫糞壤間公所以譏之豈或然歟韓曰湜嘗為陸渾尉仕至工部郎中分司東都留守裴度辟為判官此詩當在陸渾尉後為郎中前作

晉人目二子其猶吹一呬

樊曰莊子惠子曰吹劒首者呬而已充舜人之所譽也道

充舜於戴晉人之前譬猶一呬也注疏戴晉人梁之賢者姓戴字晉人呬小聲道充舜於晉人之前譬之吹劒

環其聲小不足聞也。呬音血

區區自其下

樊曰謂自充舜而下者

顧肯掛牙舌

春秋書王法不誅其人身

孫曰春秋書王法以存天下之至公不獨誅其人之身而

已王法謂誅賞之法

爾雅注蟲魚定非磊落人湜也困公安

公安縣屬

江陵不自閑其閑窮年枉智思拮據糞壤間

孫曰糞壤謂園池拮據謂

拾掇也。拮據綺切

糞壤多污穢豈有臧不臧

韓曰詩謀臧不從不臧覆用洪曰此

數句今本脫其閑間糞壤多不臧八字蓋謂今本但作不自閑窮年枉智思拮據糞壤污穢豈有臧也脫誤甚

矣當以此  
本為正

誠不如兩忘

韓曰莊子與其譽堯而非  
桀也不如兩忘而化於道

但以

一槩量

孫曰一槩一等也  
平斗斛者曰槩

我有一池水蒲葦生其間蟲魚

沸相嚼

嚼齧也  
嚼才崔切

日夜不得閑我初往觀之其後益不

觀觀之亂我意不如不觀完用將濟諸人捨得業孔顏

百年能幾時君子不可閑

孫曰得用將以濟人為心不  
得用將以孔顏為業百年能

幾時安可自廢也補注公雙鳥詩押二州字二秋字二

頭字此日足可惜押二光字二更字李花押二花字示

爽押二然字猛虎行押二為字瀧吏押二濃字書皇甫

湜公安園池詩押二閑字和盧郎中送盤谷子押二行

字故孔毅夫詩話云退之好押狹韻累句以示工而不

知重疊用韻之為病然苦溪漁隱則曰退之好重疊用

韻以盡已意不  
恤其為病也

### 路旁堠

封堠也樊曰元和十四年春出為潮州作詩  
意可見子厚元和十年自永州召赴闕其寄  
零陵親故詩亦有岸旁古堠應無數  
次第行看別路遙之句○堠音后

堆堆路旁堠

堆堆一作圻圻

一雙復一隻迎我出秦關

孫曰謂藍田關

送我入楚澤

孫曰謂潮州

千以高山遮萬以遠水隔

孫曰千萬結

也吾君勤聽治照與日月敵臣愚幸可哀臣罪庶可釋

何當迎送歸緣路高歷歷

# 食曲河驛

韓曰驛在商鄧之間公之潮州自藍田關入商陵將過鄧州而作故其下有過南陽之什樊曰按河南志驛在偃師縣東十道志云以洛水之曲為名此詩公將過鄧而作偃師去鄧遠殆商鄧間別有曲河驛歟

晨及曲河驛悽然自傷情羣鳥巢庭樹

鳥一作鳥

乳雀飛簷

楹

孫曰言鳥雀皆得其所而我獨遠行不如也

而我抱重罪子子萬里程親

戚頓乖角

孫曰乖角謂離別也

圖史棄縱橫下負朋義重

朋一作明上

孤朝命榮殺身諒無補

韓曰論語有殺身以成仁

何以荅生成

過南陽

韓曰南陽鄧州公赴潮州日作

南陽郭門外桑下麥青青行子去未已

孫曰行子公自謂也

春鳩

鳴不停秦商邈既遠

孫曰秦商謂秦山商山

湖海浩將經

孫曰浩大

也言湖海之大將經行也

孰忍生以感

一作

吾其寄餘齡

瀧吏

樊曰元和十四年赴潮州作

南行逾六旬始下昌樂瀧

昌樂瀧溪名孫曰後漢桂陽太守周昕字君光開此溪合

其水桂陽人便之為立廟刻石今猶存焉樊曰歐陽文忠公云韶州樂昌縣西武溪驚湍激石流數百里其俗謂

水湍峻為瀧退之詩云云即此也劉仲章前為樂昌令

余初以韓集云昌樂瀧誤改從樂昌仲章曰不然縣名

樂昌而瀧名昌樂韓集不誤也乃知古人傳

疑而憚於更改者以此○瀧閭江切又音雙險惡不可

狀一本作昌樂龍險惡船石相舂撞孫曰舂撞船與石相擊貌往問瀧頭吏潮

州尚幾里行當何時到土風復何似瀧吏垂手笑補注東坡

詩云瀧吏無言只笑儂

官何問之愚譬官居京邑一作譬官牧郡邑一作譬如官

北岳何由知東吳東吳一作京都東吳遊宦鄉官知自有由潮州

底處所有罪乃竄流儂幸無負犯韓曰吳人稱我曰儂音農何由到

而知官今行自到那遽妄問為不虞卒見困汗出愧且

駭吏曰聊戲官儂嘗使往罷

祝曰罷遣有罪  
○罷部買切

嶺南大抵

同官去道苦遼下此三千里有州始名潮惡溪瘴毒聚

孫曰惡溪  
潮州水名

雷電常洶洶

洶洶水鳴聲祝曰楚辭聽  
波聲之洶洶○洶音胃

鱣魚

大於船

孫曰鱣魚名大者凡數丈玄黃蒼白厥類惟錯  
似龍無角似蛇有足卵生山谷間其卵無數大

率為鱣魚者十止二三焉餘即為鼃為龜也鱣魚善食  
人狎於水者每每罹害居民畜產亦輒尾去○鱣五各

切牙眼怖殺儂州南十數里有海無天地颶風有時作

孫曰颶風名海南掀簸真差事

孫曰差事奇怪也○  
掀音軒差昌化切

聖



人於天下於物無不容比聞此州囚亦有生還儂官無

嫌此州固罪人所徙

一云官嫌此州惡固人之所徙

官當明時來

明一作此

事不待說委官不自謹慎宜即引分往胡為此水邊神

色久懞懞

祝曰懞懞失意貌楚辭心懞懞而不我與○上他朗切下胡晃切

旒大鉞

小孫曰旒鉞皆瓦器韓曰周官旒人為簋○旒音方

祝曰方言靈桂之節謂之旒注今江東通名大甕為

所任自有宜官

何不自量滿溢以取斯工農雖小人事業各有守不知

官在朝有益國家不得無虱其間

樊曰此句世多引阮籍大人先生論所謂

君子之處域內何以異風之處禪中為解非也按商君書二十六篇大抵以仁義禮樂為風官如曰農商官三者天下之常官也農闢地商致物官法民三官者生風官者六曰歲曰食曰玩曰好曰志曰行六者有必制是也杜牧之常書其語於處州孔子廟碑陰曰彼商鞅者能耕能戰能行其法基秦之強曰彼仁義風官也可以置之公之所謂風其間蓋出此然牧之所引不見於商子蓋漢藝文志商子有二十九篇今所傳纔二十六篇牧之之語其出於亡篇矣洪曰今本作風其間誤

不武亦不文仁義飾其躬

一作

巧姦敗羣倫

姦一作躬

叩頭謝吏言始慙今更羞歷官二

十餘國恩並未醕凡吏之所訶嗟實頗有之不即金木

誅

孫曰莊子列禦寇篇為外刑者金與木也注金謂刀鋸斧鉞木謂撻撻桎梏

敢不識恩私

潮州雖云遠惟思不可過

思一作惡

於身實已多敢不持自

賀

### 贈元十八協律六首

韓曰元十八於詩不見其名柳子厚集有送元十八山人南遊序亦不著其名惟白樂天游大林寺序有河南元集虛者疑即其人一作贈別元十八協律六首

知識久去眼

去一作絕

吾行其既遠曹曹莫訾省

祝曰曹目不明也左

氏亦無惜焉孫曰莫訾省者無所省錄也漢書膠西于王端遂為無訾省是也曹莫東眉登母亘三切訾音紫

省一作毀默默但寢飯子兮何為者

孫曰謂

冠珮立憲憲

洪曰

詩云顯顯令德禮記引詩作憲憲退之亦豈以憲為顯耶○憲音顯何氏之從學蘭蕙已

滿晚

孫曰騷余既滋蘭之九畹兮又樹蕙之百畝

於何

翫其光以至歲向晚

孫曰翫習也翫其光者猶言韜光也歲向晚言將老也於何韜光以

至於時治尚和同

孫曰老子和其光同其塵○時治一作治惟

無俟於謇謇

孫曰謇謇也易王臣謇謇韓曰楚辭余固知謇謇之為忠注忠正貌音蹇或師絕學賢不以

藝自輓

祝曰周禮輦車組輓注人輓之以行荀子禮者政之輓孫曰絕學謂老子也揚子老子之言道

德吾有取焉爾及槌提仁義絕滅禮學吾無取焉爾輓牽引也言師老子之賢務為隱約不以才藝自推輓也

○輓子兮獨如何能自媚婉婉

孫曰媚好貌○婉於阮切婉無遠切○一本作

婉婉

金石出聲音

孫曰莊子曾子居衛緼袍無表曳縱而歌商頌聲滿天地若出金玉宮

室發闕鍵

祝曰鍵拒門木老子善閉者無闕鍵而不可開孫曰陳楚間謂鑰為鍵發闕鍵者言能造

入闕城也鍵巨偃切與鍵同

何人識章甫

章甫商冠名韓曰儒行丘少居魯衣逢掖之衣長居

宋冠章甫之冠

而知駿蹄踠

祝曰踠馬足蹉跌選踠足鬱怒孫曰言無人識章甫并知此駿蹄也

章甫駿蹄皆以喻元

惜乎吾無居不得留息偃

孫曰詩或息偃

十八○踠於阮切

在林公言吾无居室不

臨當背面時

孫曰公祭張署文亦云解手背面而

得留元與之同息偃也

一作裁詩示繾綣

孫曰繾綣猶綢繆也不離散貌○繾音遠綣苦遠切

南非

英英桂林伯

孫曰裴行立元和十二年以御史中丞為桂管觀察使伯侯伯也

實為文

武特遠勞從事賢

孫曰從事幕僚韓曰即謂元協律也

來弔逐臣色

孫曰逐臣

公自謂也

南裔多山海

孫曰南裔南方

道里屢紆直

孫曰紆曲也屢紆直謂或曲或

直者非

風波無程期所憂動不測子往誠艱難

孫曰元十

謫○往字一作行難字一作險

我去未窮極臨別且無言

臨一作遠

有淚不

可拭

吾友柳子厚其人藝且賢吾未識子時已覽贈子篇

樊曰

子厚集有送元十八山人南遊序其後在南方送僧浩初序又云退之寓書罪予且曰見送元先生序云云則知子厚此篇果嘗為公所覽言至此始識其人也

寤寐想風彩

補注漢書霍光傳天下想聞其

風於今已三年不意流竄路兼旬同食眠所聞昔已多

所得今過前如何又須別使我抱悵悵

韓曰悵悵也孫曰悵悵也

情於緣切

勢要情所重排斥則埃塵

孫曰居勢要者俗情所重及一旦排斥則視如塵埃矣

骨肉未免然况又四海人

孫曰榮辱之際骨肉尚如此而况它人乎言此者推桂林

伯獨不

疑疑桂林伯

孫曰疑疑獨立貌祝曰詩克岐克

然也

疑注其貌疑疑然史記其德疑疑

○疑魚力切

矯矯義勇身

韓曰詩矯矯虎臣注矯矯武貌○矯居天切

生平所未

識待我踰交親遺我數幅書繼以藥物珍藥物防瘴癘

書勸養精神不知四罪地

孫曰書四罪而天下咸服亮放驩斃于崇山今公亦謫南

方故

豈有再起辰

韓曰公言貶斥無再起之望

窮途致感激

韓曰晉阮籍嘗

率意獨駕遇途窮輒哭而反韓曰公於子厚誌中言行立有節槩重然諾公與之素不識將赴貶所而行立乃俾其從事來問勞且復遺以書藥誠有節槩矣此公所以窮途致感激也

肝膽還輪囷

韓曰前漢

鄒陽傳蟠木根抵輪囷離奇輪囷屈曲貌孫曰踴躍貌○困去輪切

讀書患不多思義患不明患足以不學

孫曰足以不學謂可以不學也

自謂可以不學君子以為患以字一作已

既學患不行子今四美具實大華

亦榮

亦一作不

王官不可關

官一作官非

未宜後諸生嗟我擯南



海無由助飛鳴

寄書龍城守

唐曰地理志柳州龍城  
郡軍事守謂柳子厚

君驥何時秣

樊曰一種

小說曰好事集載柳宗元得韓愈所寄詩先以薔薇露盥手薰玉蕤香然後發讀曰大雅之文正當如是觀公此作其二人相與蓋可見矣

峽山逢颶風

峽山山名颶海風名見第一卷將赴江陵途中寄贈

翰林三學士詩注○颶音具

雷電助撞捽

撞捽相擊也祝曰手捽也莊子齊人之井飲者相捽

也○撞宅江切捽昨沒切

乘潮簸扶胥

孫曰簸簸蕩也扶胥地名在廣州東南補注南海神廟碑

曰扶胥之日黃木之灣

近岸指一髮兩巖雖云牢木石互飛發屯

門雖云高

屯門地名

亦映波浪沒

樊曰蘇叔黨颶賦曰排戶破牆墮瓦散屋礪擊巨石

標拔喬木勢競渤澥響振坤軸云云所狀颶風大率不出公此詩也余罪不足惜子生未

宜忽胡為不忍別感謝情至骨

韓曰老杜詩已訴微求貧到骨

### 初南食貽元十八協律

樊曰元和十四年

抵潮州後作也

#### 蟹實如惠文

樊曰蟹魚類按山海經蟹形如惠文十二足似蟹雖負雄而行漁必兩得又酉陽雜俎蟹過海

輒相負於背高尺餘如帆俗呼蟹帆其殼可為冠又吳錄地理志云交趾有蟹形如惠文冠青黑色十二足似蟹長五寸腹中有子如麻取以作醬尤美又嶺表錄異云蟹眼在背上口在腹下惠文冠也漢張敞傳秦時獄法吏冠柱後惠文注法冠也洪曰惠文冠名一本作車文今廣韻引山海經注亦作車文又釋音云郭璞云蟹形如車文未詳祝曰選

乘鯢鼉鼉注鯢形如惠文廣韻骨眼相負行螻相粘為  
所引山海經注非是。○鯢音候

山韓曰螻魚屬嶺表錄異云螻即牡礪也初生海邊如  
拳石四面漸長高一二丈者巉岩如山每一房內螻

肉一片隨其所生前後小大不等每潮來  
諸螻皆開房伺蟲蟻入即合之。○螻音豪 百十各自生

蒲魚尾如蛇孫曰蒲魚未詳其狀或曰口眼不相營蛤

即是蝦蟇祝曰本草注云青蛙龜蛉長脚蠓子皆蝦蟇

如蚕子土黃色身短尾同實浪異名章舉馬甲柱章舉

長自呼蛤蚧。○蛤音閣孫曰釋音云章舉有八脚身上有肉如白亦曰章魚西

陽雜俎云每月三、八日則多馬甲柱亦魚名洪曰即今  
之江瑤柱聞以怪自呈其餘數十種莫不可嘆驚我來禦魑

魅

孫曰魃魅鬼物左氏傳云流四凶族投諸四裔以禦魃魅公言其貶斥也

自宜味南烹調

以鹹與酸

作以一

芼以椒與橙

韓曰芼擇也詩左右芼之孫曰芼亦調也補注張協

曰輝以秋橙○芼

腥臊始發越咀吞面汗駢

祝曰咀謂咀嚼駢牲

音冒橙除庚切

赤色禮記牲用騂孫曰此謂初肉食時其腥臊之氣發越於外咀吞之則面汗且騂也○咀在呂切騂思營切

惟蛇舊所識實憚口眼獰

獰惡也○獰尼庚切

開籠聽其去鬱屈

尚不平賣爾非我罪不屠豈非情不祈靈珠報

孫曰搜神記

侯行見有大蛇傷者救而活之其後蛇銜珠以報淮南子所謂隋侯之珠者是也

幸無嫌怨并

聊歌以記之又以告同行

# 宿曾江口示姪孫湘二首

孫曰湘字北渚老成之子公兄奔之孫元和十四年公赴湖州作樊曰水經及注无有所謂曾江口者而公其年有過始興江口感懷之什始興韶州也水經注始興水利水南注東江東江又西注於北江謂之東江口此豈非公所宿地耶故其詩曰三江滅無口其誰識涯圻幕宿投民村高處水半扉其後蘇詩有云我行都是退之詩真有人家水半扉正謂此也

雲昏水奔流天水潏相圍

莽廣也平也祝曰選注五湖以漫潏潏大水貌相圍謂天

水之相接也

三江滅無口

孫曰謂曾江有三江合流今混為一不見江口

其誰識涯

圻孫曰涯圻岸也暮宿投民村高處水半扉犬雞俱上屋不復

走與飛篙舟入其家

祝曰篙進船竿淮南子以篙測江○篙音高

暝聞屋中

啼

孫曰啼啼也或曰笑也○啼音埽

問知歲常然

知一作之

哀此為生微海

風吹寒晴波揚衆星輝仰視北斗高不知路所歸

舟行忘故道屈曲高林間林間無所有奔流但潺潺

但一作

且作嗟我亦拙謀致身落南蠻茫然失所詣無路何能還

### 答柳柳州食蝦蟇

樊曰公為潮州子厚為柳州元和十四年也梅聖俞詩有曰子厚謫柳州而猶食蝦蟇

蝦蟇雖水居水特變形貌

水字一  
本作末

強號為蛙蛤

凡蛙蛤  
皆似蝦

蟇其背青綠色者俗謂之青蛙黃文者謂之金線蛙黑色者號為蛤亦名水雞。蛙鳥爪切

於實無

所校

一作效  
一作較

雖然兩股長

然一作云

其柰背脊胞

祝曰胞玉  
篇云面皮

生氣也。胞匹豹切一作脊飽胞

跳躑雖云高意不離淖

祝曰左氏  
晉戎馬還

淖而巳又有淖於前淖淖泥也。佞開二音

鳴聲相呼和

胡過切

無理祇取鬧

周公所不堪灑灰垂典教

樊曰周官蠲氏掌去龜鼃焚牡鞠以灰灑之則死灑與洒

同我棄愁海濱恒願眠不覺

覺睡起也  
古孝切

巨堪朋類多

集注

巨不可也朋類其儔侶也  
巨普火切一作頗非

沸耳作驚爆

爆火裂祝曰神  
異經畏爆竹聲

○爆音約

端能敗笙磬

一作磬鐘

仍工亂學校

孫曰言其聲煩多能聒笙磬亂學校

也工一作又

雖蒙句踐禮

孫曰韓子越王伐吳欲人之輕死出見怒龜乃為之執從者曰奚敬

於此王曰為其有氣故也

竟不聞報效大戰元鼎年

孫曰漢武帝紀元鼎五年秋龜

蝦蟇

孰強孰敗撓

孫曰撓亦敗也祝曰木曲易棟撓本末弱也○撓音鬧

居然當

鼎味豈不辱釣罩

祝曰罩竹籠取魚也詩烝然罩罩○罩陟教切

余初不下喉

近亦能稍稍

補注東坡常用公此事件作詩云稍近蝦蟇緣習俗祝曰稍說文云出物有漸也○稍

所教

嘗懼染蠶夷平生性不樂

祝曰樂欲也禮記有所好樂補注張牧為獬犬

所傷醫云宜食蝦蟇牧甚難之○樂五教切一本作失平生好樂

而君復何為甘食此



養豹

養也

獵較務同俗

祝曰孟子魯人獵較孔子亦獵較注獵較者田獵相較奪禽獸

得之以祭時俗所尚以為吉祥孫曰魯俗如此孔子亦為之故云同俗○較音角

全身斯為孝

孫曰禮曰父母全而生之子全而歸之可謂孝矣詩意謂甘食蝦蟇以全其生也

哀哉思慮深

未見許迴擢

祝曰楚辭桂擢兮蘭地擢揖也與棹同與曰子厚以其年十月夢奠柳州卒不生還

矣

## 別趙子

趙子名德韓曰公為潮州刺史時攝海陽尉督州學生徒者東坡所謂潮人初未知學公命趙德為之師即其人也公自潮移袁詩以別之德潮人公欲與俱而不可耳

我遷於揭陽

集註揭陽漢縣屬南海郡至唐為潮州治廣州記云大庾始安臨賀桂陽揭陽為五

嶺韋昭音曰揭其逝切師古曰揭音竭

君先揭陽居揭陽去京華其里萬

有餘不謂小郭中有子可與娛心平而行高兩通詩與

書婆娑海水南

孫曰詩市也婆娑娑娑嬉遊貌韓曰晉陶侃為荊州刺史將歸顧謂王愷期曰老

子婆娑正簸弄明月珠

孫曰廣記云鯨鯢目即明月珠詩意謂其懷寶自樂也

及

我遷宜春

孫曰元和十四年七月己丑憲宗上尊號大赦天下十二月二十四日公自潮州量移袁

州郡即宜春郡也

意欲携以俱擺頭笑不可我豈不足歟又奚

為於此

一作比

往來以紛如

孫曰奚為奚事也言我居此固足矣奚事更於此往來紛

紛手海中諸山中幽子頗不無孫曰幽子隱士相期風濤觀已久

不可渝

孫曰相期者德自言與幽子相期往觀風濤也此言已久不可中變從公而往渝變也韓曰丹

青初則炳久則渝

又嘗疑龍蝦

孫曰字當作鰕。鰕胡加切爾雅曰鰕大者謂之鰕

果誰

雄牙鬚蚌羸魚鼈蟲

祝曰易為羸為蚌羸蚌蜃蛤屬蚌步頂切羸盧戈切與螺同

瞿以狙狙

祝曰詩狂夫瞿瞿注無守貌。○瞿音衢又音屨

識一以忘十

作一以一大

同細自殊欲一窮究之時歲屢謝除

孫曰德又言嘗聞龍蝦蚌羸魚鼈蟲

大小不同欲一往而窮究之歲時屢謝終未能往言今當往也

今子南且北

孫曰子謂公也豈

非亦有圖人心未嘗同

韓曰左傳人心之不同如其面焉

不可一理驅

一作各宜從所勝

一作務

未用分賢愚

孫曰德言公去己留未可分別賢否

也

### 除官赴闕至江州寄鄂岳李大夫

李大夫程也字表臣樊曰公元和十五年九月公自袁州召拜國子祭酒行次益城作此詩寄之公嘗與表臣同為御史及鄭餘慶為詳定使公又與表臣俱為之副反覆詩語疑若與表臣嘗有隙至是因詩謝之故舊無大故則不棄此公所以思之且請政事也

### 益城去鄂渚

孫曰潯陽記益水出青益山因以為名帶山雙流而右灌潯陽北流以注江在江州

離騷經曰乘鄂渚而久顧鄂渚今鄂州

風便一日耳不枉故人書無因帆

江水

洪曰帆去聲船使風也今本作況非是

故人辭禮闈

辭一作闈

旌節鎮江

圻

樊曰舊史程元和十三年四月拜禮部侍郎六月出為鄂州刺史鄂岳觀察使程自禮闈出鎮明矣而新

傳獨言歷御史中丞鄂岳觀察使蓋逸之也

而我竄逐者龍鍾初得歸

龍鍾見上

醉留東野詩注

別來已三歲望望長迢遞咫尺不相聞

不一作何平

生那可計我齒落且盡君髮白幾何

君一年作公

年皆過半百

孫曰公是歲年五十三

來日苦無多少年樂新知衰暮思故友

衰一作

作譬如親骨肉寧免相可否

樊曰骨肉猶不免可否況公剛直其率能合乎譬如

假如我昔實愚癡

祝曰癡愚也前漢越人愚癡輕薄○癡陟降切一本作癡

不能降

色辭子犯亦有言臣猶自知之

樊曰子犯晉公子重耳舅也公子亡外子犯從

之反國及河子犯以璧授公子曰臣負羈紲從君巡於天下臣之罪多矣臣猶知之而況君乎公其務

賞過

祝曰賞賒也貸也前漢數蒙聖恩得見賞赦○賞音射又音世

我亦請改事

補注左氏

宣十二年傳鄭伯逆楚之辭曰使改

桑榆儻可收

韓曰漢光

事君夷於九縣君之惠也孤之願也

武勞馮異曰始雖垂翅回谿終能奮

願寄相思字

孫曰古詩

翼龜池可謂失之東隅收之桑榆

客從遠方來遺我一書札

上言長相思下言久離別

# 南山有高樹行贈李宗閔

孫曰宗閔字損之鄭王元懿之後韓曰據詩意鳳凰謂裴度挾九子謂李德裕李紳元稹

也據宗閔傳裴度伐蔡引為彰義觀察判官  
蔡平知制誥長慶初錢徽典貢舉宗閔託所  
親於徽李德裕李紳元稹共白徽取書不似  
實坐貶絀州刺史俄復為中書舍人由是嫌  
怨顯結縉紳之禍四十餘年不解此詩及下  
篇蓋長慶初作也此詩當是宗閔初貶公為  
祭酒時作後篇當是宗閔復入後作也詳詩  
意可見新史云宗閔初為裴度引用及度薦  
李德裕可為宰相宗閔遂與為怨韓愈作南  
山猛虎行據度薦德裕在公歿後五年史誤  
矣補注茗溪漁隱詩話云退之宗閔俱裴晉  
公征淮西時幕客也退之作南山有高樹及  
猛虎行贈宗閔皆畧盡其終身所為然退之  
元恙時宗閔纔為中書舍人所為尚未暴自  
錢徽貶後牛李之憾始結至其為相則退之  
死久矣遂有封川之行所謂前汝下視鳥各

議汝瑕疢鳥鵲從噪之虎  
不知所歸者何其明驗也

南山有高樹花葉何衰衰

孫曰字合作蓂蓂蓂蓂  
蓂盛貌○蓂素回切

上有鳳

凰巢鳳凰乳且棲四旁多長枝羣鳥所託依黃鵠據其

高衆鳥棲其卑

棲一作接

不知何山鳥羽毛有光輝飛飛擇

所處正得衆所希

孫曰言未嘗  
見此鳥也

上承鳳凰恩自期永不

衰中與黃鵠羣不自隱其私

自一作日

下視衆鳥羣汝徒竟

何為不知挾丸子

並見題

心默有所規

一作窺

彈汝枝葉間

汝翅不覺摧或言由黃鵠黃鵠豈有之慎勿猜衆鳥

猜一作



作疑 衆鳥不足猜無人語鳳凰汝屈安得知黃鵠得汝去

婆婆弄毛衣

孫曰得汝去猶言因汝去也黃鵠因汝去乃敢自喜婆婆安然弄其毛衣以譬小人既

逐君子乃相慶也

前汝下視鳥各議汝瑕疵

補注左傳不汝瑕疵

汝豈無

芻匹

孫曰芻黨小人之黨

有口莫肯開汝落蒿艾間幾時復能飛

哀哀故山友

孫曰故山友謂平時故舊也一作哀哉故山友

中夜思汝悲路遠

翅翎短不能持汝歸

能一作得

### 猛虎行贈李宗閔

孫曰猛虎行云飢不從猛虎食暮不從野雀棲野雀安無巢遊子為誰驕此詩且取古猛虎行

名篇不必以篇中意  
義也餘見前詩題注

猛虎雖云惡亦各有匹儕羣行深谷間百獸望風低身

食黃熊父

韓曰黃熊瑞獸也文王囚羑里散  
宜生得黃熊以獻紂免西伯之難

子食赤豹

麋

韓曰楚辭乘赤豹兮從文狸麋鹿子孫曰上  
言黃熊父則赤豹麋蓋豹子也○麋莫兮切

擇肉於

熊羆

一作  
豹

肯視兔與狸正晝當谷眠眼有百步威自矜

無當對氣性縱以乖朝怒殺其子暮還食其妃

一作食一  
餐

匹

儕四散走猛虎還孤棲孤鳴門四旁

四一  
作兩

出逐猴入居

猴一  
作雅

鳥鵲從噪之

一本以下句為  
先上句為後

虎不知所歸誰云猛

虎惡中路正悲啼豹來銜其尾熊來攫其頤攫持也。攫音嬰。

猛虎死不辟但慙前所為虎兇無助死兇一作坐况如汝細

微

孫曰汝謂宗閔如一作知

故當結以信親當結以私親故且不保

人誰信汝為

五百家註昌黎文集卷六

五百家註昌黎文集卷七

宋 魏仲舉 編

古詩

雪後寄崔二十六丞公一首

藍田十月雪塞關我興南望愁羣山攢天鬼鬼凍相映  
君乃寄命於其間秩卑俸薄食口衆豈有酒食開容顏  
殿前羣公賜食罷驂騑蹋路驕且閑稱多量少鑒裁密  
豈念幽桂遺榛菅幾欲犯嚴出薦口氣象硤兀未可攀

歸來殞涕揜闕卧心之紛亂誰能刪詩翁憔悴斲荒棘  
清玉刻佩聯玦環腦脂遮眼卧壯士大弔挂壁無由彎  
乾坤惠施萬物遂獨於數子懷偏慳朝歎暮喑不可解  
我心安得如石頑

送僧澄觀一首

浮屠西來何施為擾擾四海爭奔馳構樓架閣切星漢  
誇雄鬪麗止者誰僧伽後出淮泗上勢到衆佛尤恢奇  
越商胡賈脫身罪珪璧滿船寧計資清淮無波平如席

欄柱傾扶半天赤火燒水轉掃地空突兀便高三百尺

影沉潭底龍驚遁當畫無雲跨虛碧借問經營本何人

道人澄觀名藉藉愈昔從軍大梁下

孫曰貞元十二年公佐宣武軍幕

往來滿屋賢豪者皆言澄觀雖僧徒公才吏用當今無

後從徐州辟書至

孫曰十五年公從事徐州節度張建封幕

紛紛過客何由

記又言澄觀乃詩人

又言一作人言

一座競吟詩句新向風長

歎不可見我欲收斂加冠巾洛陽窮秋厭窮獨

孫曰十六年建

封卒公西歸洛樊曰公貞元十六年五月十四日題李  
生壁云是行也予點於徐州將西居洛陽故此云洛陽

窮秋厭孤獨也

丁丁啄門疑啄木

祝曰詩伐木丁丁啄木鳥名丁丁中莖切疑一作如

有

僧來訪呼使前伏犀插腦高頰權

孫曰伏犀謂骨當額上入髮際也韓曰伏

犀貴相後漢李固頂角匿犀後為太尉即此祝曰權一作顙輔骨也選屬輔承顙頰面頰也○頰古協切顙亦

音權惜哉已老無所及坐睨神骨空潜然

睨斜視也○睨五計切潜音刪

臨淮太守初到郡

孫曰臨淮太守謂泗州刺史

遠遣州民送音問好

奇賞俊直難逢

直一作實

去去為致思從容

孫曰為致思從容者公令澄觀

致其意於泗守思欲與之從容也

山南鄭相公與樊員外疇荅為詩其末咸有見



及語樊封以示愈依賦十四韻以獻

樊曰梁州在唐為山南西道治所德宗興元元年改為興元府鄭相公名餘慶字居業以元和九年為山南西道節度使樊紹述為副紹述誌傳不書而見於公薦狀及此詩薦狀云攝山南西道節度副使朝議郎前檢校水部員外郎兼殿中侍御史賜緋魚袋樊宗師云云紹述其字也惜乎二公之詩不得而見矣李肇國史補曰元和以後為文奇詭則學於韓愈苦澁則學於樊宗師公此詩及紹述墓銘語奇而澁皆所以效其體也一本題無字與

梁維西南屏

孫曰屏蔽也詩大邦為屏餘見題注

山厲水刻屈

孫曰厲峭拔也刻屈

謂刻削屈曲也屈一作窟

**稟生肖勦剛**

孫曰勦剛剛勁也言人生其間皆肖似山水有勦剛之性

祝曰勦輕捷也吳錄聞卿能坐躍

**難諧在民物**

孫曰人勦捷不常○勦音巢一作勁者非

難諧

**榮公鼎軸老**

孫曰餘慶榮陽人貞元中再為相鼎謂鼎鼎軸謂當軸榮一作榮

**烹**

和也

**幹力健倨**

孫曰烹謂烹擊幹謂幹旋猶言宰制也幹或作鮮韓曰取老氏治大國若烹小鮮之義倨

**帝咨汝子往**

**壯貌**

祝曰強也選假倨強以攘臂注倨強夷狄惡性梗戾○倨渠勿切

**帝咨汝子往**

孫曰帝咨

者謂帝咨詢於人而得餘慶也汝子往者言汝為予往也取書去帝曰俞汝往哉之義予一作俞

**牙燾**

牙燾

**前坐拂**

拂塵起也祝曰楚辭埃拂拂兮孫曰牙燾皆謂旌旗坐塵也前坐拂者言旌旗之多皆飛起塵

土也○燾音導坐蒲間

**威風挾惠氣蓋壤兩劇拂**

祝曰

切拂音拂一作拂者誤

**威風挾惠氣蓋壤兩劇拂**

劇拂

也前漢賈生自下劇上劇古磨字拂一作制斫也斷也  
左氏苑子制林雍斷其足○制亦音拂孫曰言蒙公之

治梁威風惠氣二者相須劇  
拂於天壤之間蓋謂天也  
**茫漫華黑間**  
樊曰華黑今作華墨或作

筆墨誤矣禹貢華陽黑水惟梁州孔注云梁州東  
據華山之東西距黑水茫漫謂其疆界廣大也  
**指畫**

**變恍欵**  
祝曰欵暴起也選欵從背見孫曰言榮公治梁  
指畫之間便能變化如神鬼恍欵言甚也○恍

許往切欵許  
勿切即忽字  
**誠既富而美章彙霍炳蔚**  
韓曰易大人虎變其文炳也君

子豹變其文蔚也孫曰章彙文采也言榮公治梁既富  
庶文章之工皆炳蔚而至也揚子聖人虎別其文炳也

君子豹別其文蔚也炳  
蔚文采之貌○彙音胃  
**日延講大訓**  
孫曰日延者謂日延此炳蔚之人

使講大訓大訓古訓也  
書曰赤刀大訓是也  
**龜判錯袞黻**  
孫曰定八年公羊傳寶者何璋判白

子繡質龜青純何休注判半也半圭曰璋白藏天子青藏  
諸侯魯得郊天故錫以白龜判謂龜玉也詩衮衣繡裳衮  
謂畫龍於衣上也爾雅黑與青謂之黻黻者刺繡為兩已  
相背謂刺之於裳上也判言其所執衮黻言其所服也言  
日延講大訓者樊子坐賓署署館也演孔刮老佛刮或作亂方云字見

劇秦文金春撼玉應厥臭劇蕙鬱遺我一言重跽受惕齋

慄辭慳義卓濶呀豁疚掎掘疚或作疾方云疚勞也如新去盱眙

雷霆逼颼颼新或作初方云盱眙耳垢也从目非颼綴或作颼或作颼颼字書未見或與颼同

此豈為訓俚言紹莊屈

奉和武相公鎮蜀時詠使宅韋太尉所養孔雀

一首

武元衡韋皋也  
諸本無奉字

穆穆鸞鳳友何年來止茲飄零失故態隔絕抱長思

孫曰

謂隔絕故山也

翠角高獨聳金華煥相差

孫曰鍾會孔雀賦云戴翠髻以表弁即此

云翠角也下云垂綠絛之森纓五色點注華羽參差鱗文綺錯文采陸離即此云金華煥相差也

坐蒙

恩顧重畢命守堦墀

孫曰恩顧謂為太尉恩顧故畢命守此堦墀而不去也

感春三首

韓曰詩作於元和十一年三月為中書舍人時也

偶坐藤樹下暮春下旬間藤陰已可庇落葉還漫漫

祝

藥藤花也漫漫多貌○漫誤官切

壺壺新葉大

孫曰壺壺翠色貌○壺音尾

瓏瓏晚

花乾

孫曰瓏瓏花落聲

青天高寥寥兩端飛翩翩

一作翻

時節適

當爾懷悲自無端

黃黃蕪菁花

孫曰方言云蕪蕪菁也陳楚謂之蕪菁齊謂之蕪菁東西謂之蕪菁趙魏之間謂

之大芥蕪菁即蕪菁也

桃李事已退強風簸枯榆

榆木名孫曰釋水云白粉也郭

璞云先生禁却著夾圓如狼籍九衢內春序一如此汝顏安錢故曰榆錢也○榆音俞

足賴

一作春序一如顏去去安足賴

誰能駕飛車

孫曰飛車仙駕韓曰山海經奇肱之國其

為人一臂注云其人善機巧以取百獸禽能  
作飛車從風速行湯時得之於豫州界中  
相從觀海外

晨遊百花林朱朱兼白白柳枝弱而細懸對垂百尺一對

作樹左右同來人金紫貴顯極一作劇嬌童為我歌孫曰嬌童妓女

哀響誇箏笛艷姬蹋筵舞清眸刺劍戟孫曰言眸子清朗如劍戟之刺

甚稱其俊快也補注張文潛云東坡言退之詩不解文字飲惟能醉紅裙疑若清苦自飾者至云艷姬蹋筵舞

清眸刺劍戟則知此老子箇中興復不淺心懷平生友莫一在燕席死者長

眇芒生者困乖隔生者或作生存少年真可喜老大百無益

早赴街西行香贈盧李二中舍人一首

盧汀李  
逢吉

天街東西異祇命遂成游月明御溝曉

御溝或作溝水

蟬吟堤

樹秋老僧情不薄僻寺境還幽寂寥二三子歸騎得相

收

寥或作寞

晚寄張十八助教周郎博士一首

張籍周況也  
或無郎字

日薄風景曠

薄或作落方云薄迫也國語今會日薄矣  
恐事之不集今詳語勢但如白樂天所謂

旌旗無光日色  
薄耳方說非是

出歸偃前簷晴雲如擘絮新月似磨鑪



田野興偶動衣冠情久厭吾生可攜手歎息歲將淹

方曰

淹當作殫殫也淹延之義不可通用今人書殫作沒殫作殯多互用李白詩東溪卜築歲將淹又遠行歲已淹字皆訛○今按古字通用者多不知方何以知此獨不可通用也

### 題張十八所居一首

君居泥溝上溝濁萍青青

諸本上句作濁溝下句作泥濁

蛙謹橋未掃

謹或作喧蟬嘒門長扃名秩後千品

秩最卑也

詩文齊六經端來

問奇字

孫曰漢書劉歆子棻嘗從揚雄學作奇字注云奇字古文之異者王莽使甄豐刊定六體一曰

古文二曰奇字三曰篆書四曰隸書五曰繆書六曰蟲書

為我講聲形

孫曰周禮保章氏掌教國

子六書注云一曰指事二曰象形三曰形聲四曰會意五曰轉注六曰假借形聲如江河之類

壽韓庶子詩

張籍

西街幽僻處正與懶相宜  
尋寺獨行遠借書常送遲  
家貧無易事身病是閑時  
寂寞誰相問只應君自知

樊曰王莽投劉棻四裔辭所連及便收不請時揚雄校書天祿閣獄使來欲收雄雄恐從閣上投下幾死蓋棻嘗從雄學奇字雄不知情有詔勿問時人曰惟寂寞自投閣爰清淨作符命公詩落句用奇字籍詩落句用寂寞皆揚子雲事唐人酬荅和意而已

奉酬盧給事雲夫四兄曲江荷花行見寄并呈

上錢七兄閣老張十八助教

孫曰盧四名汀字雲夫錢七名徽字蔚章張十八即籍也

曲江千頃秋波淨

樊曰曲江在長安城道昇道坊秋波一作波秋

平鋪紅渠蓋

明鏡

孫曰紅蕖荷花也爾雅曰荷芙蕖其花齒齒明鏡以此曲江也蕖一作雲

大明宮中給

事歸

孫曰大明即含元宮也長安元年十一月戊寅改馬給事謂雲夫也

走馬來看立不

正遺我明珠九十六

孫曰汀詩九十六字

寒光映骨睡驪目

樊曰莊子

河上有家貧持緯蕭而食者其子沒於淵得千金之珠其父謂曰千金之珠必在九重之淵驪龍領下子能得

珠者必遭其睡也驪音離

我今官閑得婆婆

樊曰公時自中書舍人降太子右庶子婆婆安優

開之貌見前卷  
別趙子詩注

問言何處芙蓉多

韓曰芙蓉即荷花也  
騷寧芙蓉兮木末孫

曰廣雅菡

撐舟昆明渡雲錦

孫曰漢武帝元符三年穿  
昆明池在長安西南周四

蓄芙蓉

四十里雲錦言芙蓉  
之盛如雲與錦也

脚敲兩舷叫吳歌

韓曰晉夏侯會  
稽人詣洛市藥

會上已王公以下並至浮橋統時在船中太尉賈充令  
作其土地間曲統於是以足叩舷引聲喉轉清激慷慨  
大風應至雷電晝冥王公以下恐遂止之樊曰東坡詩  
脚叩兩舷歌小海亦是引用統事補注選詠採蓮而叩  
舷船邊  
也舷音賢  
太白山高三十里  
孫曰太白山名在鳳翔  
府郿縣十字它本作百  
負

雪鬼鬼插花裏

孫曰此謂太白影見曲  
江荷花裏也雪一作雲

玉山前却不復

來

孫曰玉山亦山名也却退也任曰前却字出處本蔡  
邕傳云螳螂一前一却至郭景純江賦始合用之而

云巨石碑  
硯以前却

曲江汀瑩水平盃

孫曰汀瑩水平定貌韓曰絕小水也○汀他定切瑩

鳥定切

我時相思不覺一迴首

孫曰思雲夫也

天門九扇相當開

孫曰謂君門九重也言雲夫給事宮中如在天上耳

上界真人足官府豈如散仙

鞭笞鸞鳳終日相追陪

孫曰上界真人謂仙人也仙人猶有官府之事不如雲夫為地

上散仙終日嬉遊也相追陪謂與錢張同遊一本散仙下有無字讀為七言疑非

小庭水植率爾成詩

錢徽

泓然一缶水下與坳堂接青菰八九枝圓荷四五葉  
動搖香風至顧盼野心愜行可採芙蓉長江詎云涉

奉和錢七兄曹長盆池所植

錢七名徽樊曰唐本有右庶子錢徽小庾水植率爾成詩在此和篇前今存之

翻翻江浦荷而今生在此擢擢菰葉長

祝曰說文菰雕胡也楚辭設菰

梁尺○菰音孤

芳根復誰徙露濡兩鮮翠風蕩相磨倚

孫曰兩相謂荷

與菰也但取主人知誰言盆盎是

記夢

韓曰此詩蓋有託諷意公忤執政左遷為右庶子時作前酬盧公荷花詩末云豈如散仙鞭苔鷹鳳終日相追陪而此詩末亦云我寧屈曲自世間安能隨汝巢神山皆有不能俯

仰隨人之意可知  
其為左遷之時也

夜夢神官與我言羅縷道妙角與根

孫曰羅縷謂群  
之角與根謂窮極

其根本也

挈攜馭維口瀾翻

孫曰馭馭維綱也  
猶言舉其綱領也

百二十刻須

臾間

韓曰漏晷夜共百刻今增其二十本漢成帝時齊人甘  
忠可所造至哀帝時夏賀良等重言以建平二年改元

太初漏刻用百二十為度尋下  
詔蠲除事見哀紀并李尋傳

我聽其言未云足捨我去

度橫山腹我徒三人共追之一人前度安不危我亦平

行跼翫翫

翫翫不安也。翫  
丘召切翫牛召切

神完骨蹻脚不掉

集註列  
子醉者

之陸車雖疾不死其神全蹻舉足高貌詩小子  
蹻蹻掉驚掉也。蹻其虐切又音蹻掉徒弔切

側身上

視溪谷盲

孫曰盲謂黑闇

杖撞玉版聲彭觥

玉版聲

神官見我

開顏笑前對一人壯非少石壇坡陀可坐卧

坡陀大貌

切陀音沱

我手承顏肘拄座

孫曰以手承顏以肘拄座顏頤下也○顏戶來切

隆樓

傑閣磊嵬高

孫曰隆傑皆雄大貌磊嵬高貌祝曰磊衆石貌嵬山貌遶衝霍磊落以連鎮玉廬嵬

崖而比嶠○磊魯猥切嵬五罪切

天風飄飄吹我過壯非少者哦七言

六字常語一字難

樊曰魯直云只前句中哦字便是所難此乃為詩之法也

我以指

撮白玉丹

孫曰丹仙藥也

行且咀嚙行詰盤

孫曰行且咀嚙謂咀嚙玉丹行詰盤

謂詰盤詩句也詰盤反覆也詰一作詰又作結

口前截斷第二句

孫曰此謂仙人以已詰盤



之故遂不復  
吟第二句也

綽盧顧我顏不歡乃知仙人未賢聖護短

憑愚邀我敬

孫曰仙人以公詰盤之故顏遂不歡故云護短憑愚也

我寧屈曲自

世間安能隨汝巢神山

洪曰海上有三神山謂蓬萊方丈瀛洲今本作仙誤樊曰蘇內

翰嘗曰太白詩云遺我鳥跡書讀之了不閑太白尚氣乃自招不識字不如退之倔强云我寧屈曲自世間安能隨汝巢神山又嘗曰退之有言我寧屈曲自世間云云退之性氣雖出世間人亦不能容也

### 南內朝賀歸呈同官

洪曰長安有三內皇城在西北隅謂西內東內曰大明宮在西內之東南南內曰興慶宮在東內之南此詩云罷賀南內銜即南內也奉酬盧給事詩云大明宮中給事歸即東內也

孫曰南內本元宗在藩時  
故宅高宗龍朔二年置

薄雲蔽秋曦

孫曰蔽擁也秋曦  
秋日蔽一作庇

清雨不成泥罷賀南內

衙

一作衙內

歸涼晚淒淒

晚一作晚

綠槐十二街

樊曰中朝事述  
云天街兩畔槐

樹俗號為槐衙白樂天游園詩云  
下視十二街綠槐間紅塵即此也

渙散馳輪蹄

孫曰渙  
散分散

輪蹄車  
馬也

余惟慙書生

慙慙也  
慙步降切

孤身無所齎三黜竟不

去

孫曰論語柳下惠為士師三黜人曰子未可以去乎  
集注張籍蔡公詩亦云三以論諍退謂論官市謫陽

山論討淮西左遷庶子論佛骨貶潮州也樊曰皇甫持  
正懿公墓云公為御史尚書郎中書舍人前後三貶及  
為刑部侍郎言憲宗迎佛骨非是上怒就貶三千里海  
上蓋公為御史以論天旱人飢貶陽山為尚書郎以論

柳潤下邊博士為中書舍人以論淮西下遷右庶  
子此詩所謂三黜則未貶潮州前為右庶子日作

致官

九列齊

孫曰九列九卿

豈惟一身榮珮玉冠簪犀

孫曰以玉為珮以犀為冠

晉言禁顯也

澗蕩天門高

祝曰澗澤水貌選漢澗因玄孫曰澗蕩高貌天門宮門○澗戶廣切

著籍朝厥妻

孫曰籍二尺竹牒記其年紀名字物色縣之宮門案省相應乃得入也公妻盧氏封

高平縣君歲時入朝宮中故云朝厥妻

文才不如人行又無町畦

祝曰莊子彼且

為無町畦吾亦與之為無町畦注町畦畦也畦徑也○町徒頂切畦戶圭切

問之朝廷事畧不

知東西况於經籍深豈究端與倪

孫曰倪分際也

君恩太山重

不見疇稗穉

祝曰稗穉草如禾可食莊子道在稗穉孫曰小米也言君恩如太山之重未有顆粒

之報。○釋蒲貢切。穉田黎切。

所職事無多又不自提撕

祝曰提撕挈也詩言提其

耳注親提撕其耳孫曰公言其職事既簡又不能自提撕振起也。○撕音西自一作相又

明庭集孔

鷺曷取於鳧鷖

孫曰明庭帝庭也孔孔雀鷺鷖鳥以喻賢者在位也言明庭方集孔鷺安用此

鳧鷖乎鳧鷖凡鳥公以自喻也詩鳧鷖在沙鳧鷖皆水鳥鳧似鴨而小江東亦呼為鷓鴣鷓鴣也一名水鷓樹

以松與栢不宜問蒿藜

孫曰蒿藜皆菜名亦以自喻問一作問

婉孌自媚

好幾時不見擠

孫曰詩婉兮孌兮總角卅兮婉少貌孌好貌媚媚媚也言婉孌者自相媚好而

我以直道獨立其間幾時不見擠斤手擠推斤也祝曰楚辭魁壘擠推兮常因辱。○擠將西切

貪食以

忘軀少不調鹽醢

祝曰少也楚辭居廓寥兮少時孫曰貪食忘軀以禽畜自喻也言貪食

而忘軀鮮不為人所烹醢  
鹽所以調食○妙音鮮

法吏多少年磨淬出角圭

孫曰

磨淬厲祝曰淬染也犯也前  
漢清水淬其鋒○淬七内切

將舉汝愆尤以為已階梯

孫曰以為  
進身之梯

收身歸闕東

孫曰公家於闕東

期不到死迷

### 朝歸

峨峨進賢冠

峨峨高貌韓曰前漢雋不疑見暴勝之冠進賢冠晉輿服志進賢冠古緇布遺象也

蓋文儒之服

耿耿水蒼珮

孫曰水蒼玉名禮記大夫佩水蒼玉而純組綬水蒼者言似水之蒼

色而雜有文也

章服豈不好不與德相對

孫曰服章即謂上冠珮言此章服豈不好

乎但已無德不能與相稱也

顧影聽其聲

孫曰影冠影聲珮聲也

頽頽汗漸背

孫曰：穎赤色，漸漬也。韓曰：漢文帝問周勃決獄，錢穀勅謝不知汗流浹背。○穎音梗，漸平聲。進乏犬。

雞效

補注：犬雞事取孟嘗君客雞鳴狗盜之意。

又不勇自退，坐食取其肥。

孫白

言無補於國，但坐食取肥耳。

無堪等聾聵

孫曰：國語替聵使之司聾聵使之司火言已無堪

徒與聾聵等耳。○聵五怪切。

長風吹天墟，秋日萬里曠。抵暮但昏眠。

不成歌慷慨

孫曰：魏武帝短歌行曰：慨當以慷，憂思難忘，慷慨愁嘆也。

### 雜詩

三首或作四首，以第一首掃不見蹤跡，下文別為一首。韓曰：數詩皆諷也。朝蠅暮蚊以譏小人，烏噪鵲鳴以譏競進鵲鵲，則公自喻。截橡斷楹，棄驥鞭驢，則以見一時所用賢否失。

當也公時為右庶子而皇甫鎛程昇之徒乃用事元和十一年也故此詩及讀東方朔雜

事謹瘡鬼皆指事

託物而有作也

朝蠅不須驅

韓曰符堅作赦文有大蠅入室駭之復來

暮蚊不可拍

匹格切蠅

蚊滿八區

孫曰八方區

可盡與相格

孫曰格關也

得時能幾時

一作

何與汝恣啖咋

祝曰啖啖啖也前漢吉婦取以啖之○啖徒敢切咋音責與一作丐

涼風

九月到

韓曰詩北風其涼爾雅北風謂之涼風

掃不見蹤跡鵲鳴聲楂楂

查音鳥噪聲撲撲

鳥翫切

爭闕庭宇間

一作

特身博彈射

食亦

切黃鵠忍長飢

一作能忍飢

兩翅久不擘

孫曰不擘謂不飛也

蒼蒼雲

海路晚歲將無獲

孫曰蛇蚊鳥鵲以喻小人黃鵠以喻君子難進易退故歲晚無獲也

截橈為構櫨

祝曰說文橈橈也楚辭桂棟兮蘭橈構櫨柱也選擊構櫨而將樂注折也韓曰長門

賦施瑰木之構櫨兮委參差以據梁注斗

斷櫨以為掾

拱之屬○掾音老又音僚構櫨音博盧

樊曰櫨柱也掾摘也斷蓋孟東蒿以代之

蒿一作茨小大不

子所謂匠人斷而小之者也

相權孫曰橈大而構櫨小櫨大而掾小今截掾為構櫨

既為構櫨為掾乃束蒿以代掾櫨雖無風雨災韓曰易

馬是以小人而居君子之位也

雖無風雨災

上揀下

宇以待得不覆且顛解轡棄騏驎蹇驢鞭使前

韓曰楚辭騏驎

風雨

兩耳中坂蹉跎蹇驢服駕無口用多孫曰吊屈原

崑崙

賦曰騰駕罷牛驂蹇驢兮驥垂兩耳服鹽車兮



高萬里歲盡道苦遘

孫曰遘迴遠也祝曰行不進易也如遘如○遘張連切

停車

卧輪下絕意於神仙

雀鳴朝營食鳩鳴暮求羣

求一作覓

獨有知時鶴

孫曰淮南子雞知將

旦鶴知夜半也

雖鳴不緣身

韓曰抱朴子千歲之鶴隨時而鳴

啞蟬終不鳴

祝曰

廣韻啞極啼無聲

有抱不列陳

孫曰抱懷抱也

蛙黽鳴無謂

武

幸切  
閤閤祗亂人

閤閤蛙黽聲也

讀東方朔雜事

洪曰退之不喜神仙此

詩譏弄權挾思者耳

嚴嚴王母宮下維萬仙家

孫曰嚴嚴尊嚴也下維萬仙家言仙家環統其宮也噫

欠為飄風

孫曰噫噓欠欠伸也莊子大塊噫氣其名為風韓曰飄風旋風也詩其為飄風爾雅回風

為飄。噫烏介

濯手大雨沱

孫曰沱大雨貌詩月離於畢俾滂沱矣言仙人噫欠

切欠一作吹

則為飄風濯手則為大雨謂其衆多也

方朔乃豎子驕不自禁訶

孫曰訶

偷入雷電室鞠輟掉狂車

樊曰漢武帝內傳帝好長生七夕西王母降其宮有頃索

桃七枚以四枚與帝自食三枚曰此桃三千年一實時東方朔從殿東廂朱鳥牖中窺母母謂帝曰此窺牖兒

嘗三來偷吾此桃昔為泰山上仙官令到方丈擅弄雷

電激波揚風風雨失時陰陽錯迕致令蛟鯨陸行崩山

壞境海水暴竭黃馬宿淵於是九源丈人乃言於太上

遂謫人間其後朔一旦乘雲龍飛去不知所在孫曰內

傳又云武帝與西王母坐南牕下有一人窺看帝驚問  
何人王母曰是汝侍郎東方朔我隣家小兒性多滑稽  
三來偷挑此子昔為太上仙官今到方丈山但務游戲  
擅弄雷電激波揚風致令蛟龍陸行山崩海竭太上謫  
斥使在人間近金華山二仙人及九疑君陳乞原之帝  
乃知朔非世俗之徒也祝曰掉轉也鞠轆車聲選其武  
聲則若雷電鞠轆○鞠乎宏切與  
轟同較魯登切一作較音角非是

王母聞以笑衛官助

呀呀

呀張口孫曰衛官王母侍衛  
之人呀呀笑聲○呀虛加切

不知萬萬人

一作萬  
古人

生身埋泥沙簸頓五山踣

孫曰簸頓簸蕩也五山  
五嶽踣僵也踣音匄

飄流

八紘蹉

孫曰淮南子天有九部八紀地有九州八柱九  
州之外有八埏八埏之外有八紘八紘者東北

之紘曰荒土東方之紘曰桑野東南之紘曰衆安南方  
之紘曰反戸西南之紘曰火正西方之紘曰沃野西北

之絃曰沙所北方之絃曰委羽蹉謂跌也○蹉徒何切

曰吾兒可憎柰此狡獪何

樊曰葛洪神仙傳王方平過吳與麻姑相會於蔡經家經弟婦新產麻姑望見已知曰噫且止勿前即求少許米

擲之地即成丹砂方平笑曰姑故年少吾了不喜復作此曹狡獪變化也狡獪事其出此歟或者別有雜事而

莫之見也狡獪小兒戲○獪音獪

方朔聞不喜褫身絡蛟蛇

祝曰褫微衣又奪衣

易終朝三褫之終繞也蛟蛇龍類選驚蜩蝓憚蛟蛇○褫教里切又池耳切蛇唐何切

瞻相北斗

柄孫曰相視也

兩手自相按

韓曰按兩手相切摩也祝曰晉史因按五木久之○按奴禾切

與接羣仙急乃言百犯庸不科

孫曰庸不科者謂方朔所犯多矣安可不科其

罪也向觀睥睨處

祝曰莊子雖羿逢蒙不能睥睨注猶斜視也孫曰即謂瞻相北斗也○睥匹詣

切曉音詣

事在不可赦

祝曰玉篇赦置也放也○赦音奢與去聲同

欲不布露言

一作

外口實諠譁

一作宮外口喧譁一作言外口實譁

王母不得已顏嘖

口齋嗟

祝曰選執姬女以嘖瘁易齋咨涕洟注齋咨嗟嘆之辭也○嘖音頻齋音咨齋嗟作齋咨又一

作咨

頷頭可其奏

頷戶感切

送以紫玉珂

祝曰珂石次玉亦碼瑤潔白如雪者

韓曰梁簡文帝詩桃花紫玉珂○珂苦何切

方朔不懲創挾恩更矜誇詆欺

劉天子正晝溺殿衙

孫曰朔本傳朔嘗醉入殿中小遺殿上劾不敬免為庶人○溺徒弔

切

一旦不辭訣

韓曰前漢從者車數百兩辭訣去訣絕也○訣音決一旦或作一且或作且一

攝身凌蒼霞

樊曰朔本傳不書所終而傳內云一旦乘雲龍飛去又晉夏侯湛為朔畫像贊亦有

棄俗登仙之語攝身陵蒼霞殆謂此也凌一作入

### 譴瘧鬼

樊曰譴謫問也後漢禮儀季冬之月先臘一日大雩謂之逐疫注云漢舊儀顧頌氏有三子生而亡去為疫鬼一居江水是為瘧鬼此詩首云屑屑水帝魂謝謝無餘輝末云湛湛江水清歸居安汝妃者此也瘧瘧疾孫樵有逐瘧鬼文其事出此詩而其辭則步驟公送窮文而為之見本集韓曰與前詩皆有所諷也

屑屑水帝魂謝謝無餘輝

孫曰水帝顧頌謝衰也見前注

如何不肖子

尚奮瘧鬼威乘秋作寒熱

韓曰周禮天官秋時有瘧寒疾

翁姬所罵讎

祝曰姬老婦說文母也後漢衆巫遂取百姓男女以為翁姬。姬烏遇切。求食嘔洩間。嘔烏

不知臭穢非醫師加百毒

孫曰百毒謂百藥之有毒者韓曰周禮醫師掌醫之政令

聚毒以供醫事毒一作藥

薰灌無停機灸師施艾炷

灸音

酷若獵火

圍詛師毒口牙

孫曰詛師巫覡也

舌作霹靂飛符師弄刀筆丹

墨交橫揮咨汝之胄出

孫曰胄世系也

門戶何巍巍祖軒而父

項

韓曰顓頊於軒轅黃帝為孫故為瘥鬼之父祖詳見題注

未沫於前徽

祝曰易日中見沫注

謂微昧釋文沫昏也楚辭云身服義而未沫微美也書曰徽柔懿恭孫曰前徽謂前人之美也。徽吁韋切沫

今本一作昧或作法皆非

不修其操行賤薄似汝稀豈不忝厥祖

孫曰

忝辱也詩無忝爾祖

覲然不知歸

孫曰覲面熱也詩有覲面目覲他典切

湛湛江水

清

孫曰古詩湛湛長江水上楓樹林

歸居安汝妃

孫曰妃其妻也

清波為裳衣

白石為門畿

孫曰畿封畿也

呼吸明月光手掉芙蓉旂

孫曰掉舉也美

蓉旂以芙蓉為旌旗

降集隨九歌

孫曰九歌屈原所作以迎送神

飲芳而食菲

韓曰

屈原離騷云集芙蓉以為裳又云朝飲木蘭之墜露兮夕餐秋菊之落英詩所云芙蓉旂飲芳食菲皆取諸此

贈汝以好辭吐汝去莫違

吐呵也吐當沒切

示兒

補注東坡云退之示兒詩云主婦治北堂膳服適成跡恩封高平君子孫從朝裾開門問



誰來無非卿大夫不知官高卑玉帶懸金魚  
又云凡此坐中人十九持鈞樞所示皆利祿  
事也至老杜則不然其示宗武云試吟青玉  
案莫羨紫香囊應須飽經術已自愛文章十  
五男兒志三千弟子行曾參與游  
夏達者得升堂所示皆聖賢事也

我始來京師止攜一束書辛勤三十年

樊曰公自貞元二年始來京師

至元和十一年三十年矣公時為中書舍人十二年十  
二月為刑部侍郎此詩為刑部時作而言三十年者舉

其凡

以有此屋廬

樊曰公第在長安靖安里

此屋豈無華

孫曰言豈無華盛於

此屋者無字一本作為

於我自有餘中堂高且新四時登牢蔬

孫曰

牢蔬所以享祖考

前榮饌賓親

補注沈氏筆談云退之示兒詩云云屋翼謂之榮東西則有之

未知前榮安在苑苑雖黃以為不然其說云王元長曲水詩序云跨靈沼而浮榮五臣注則以榮為屋檐檐一名摘一名宇即屋之四垂也又謂之楬又謂之招集韻云屋招之兩頭起者為榮故記言洗當東榮又升自東榮降自西北榮上林賦偃佺之徒暴於南榮則所謂榮者東西南北皆有之矣故李華含元殿賦又有風雨交四榮之說筆談未為確論孫曰前榮者冠婚所依於一

揚雄甘泉賦云列宿施於上榮是也

作一

之所於一庭內無所有高樹八九株有藤縷絡之

孫曰

草縷絡繞也

縷一作妻春華夏陰敷東堂坐見山風雲相吹噓松

果連南亭外有瓜芋區

孫曰區畦壠也

西偏屋不多槐榆翳空

虛山鳥旦夕鳴有類澗谷居

澗一作砌

主婦治北堂

孫曰主婦謂主

母也禮記宋子雖七十無無主婦  
北堂後堂也字見詩焉得後章注  
膳服適戚疎恩封

高平君

樊曰公夫人范陽盧氏封高平郡君

子孫從朝裾開門問誰來無

非卿大夫

無非一作非無

不知官高卑玉帶懸金魚問客之所

為魏冠講唐虞酒食罷無為碁槩以相娛

洪曰唐人詩云星宿天圓

碁冢子地樞槩碁奕也槩博也○釋音云槩音朔與稍同齊爾朱世隆與元世攜樞槩忽聞笑聲一局盡倒祝曰通俗文曰牙丈八者名槩南史曹操曹石上馬橫槩孫曰碁槩相娛之具

凡此座中人十

九持鈞樞

孫曰言坐客半為宰輔也韓曰時裴度王涯崔羣皆公故人為宰輔故云

又問誰

與頻莫與張樊如

孫曰張籍樊宗師公尤與親善與字一作若一作先

來過亦無

事考評道精麗

倉胡切

蹀蹀媚學子

孫曰蹀蹀起走貌祝曰旋行貌蹀蹀躑躅傍

蹀媚好也

牆屏日有徒

樊曰舊史云公頗能誘厲後進館之者十六七即此可見屏門

牆也○屏必忍反

以能問不能其蔽宣可祛

祝曰祛穰却也詩以車祛祛○祛丘

魚切嗟我不修飾

一作我如不修飾

事與庸人俱安能坐如此比

肩於朝儒詩以示兒曹其無迷厥初

孫曰無迷厥初勿忘故也

### 庭楸

集注韓曰詩意與前示兒詩所云庭內何所有高樹八九株者相應又次其後蓋同時作

樊曰此詩長慶四年告病於其居之所為故其終云我已自頽情重遣五楸牽

庭楸止五株

楸一作樹

共生十步間各有藤繞之上各相鉤

聯下葉各垂地樹顛各雲連朝日出其東我常坐西偏

夕日在其西我常坐東邊當晝日在上我坐中央焉

一作

間仰視何青青上不見纖穿朝暮無日時我且八九旋

濯濯晨露香

祝曰濯濯濕貌

明珠何聯聯

韓曰選露垂於草其狀如珠

夜月

來照之蓊蓊自生煙

蓊蓊青蔥貌祝曰草盛貌晉湛方生稻苗讚蓊蓊嘉苗○蓊此見切

我已自頑情

一作滯

重遭五楸牽客來尚不見肯到權門

前

樊曰舊史云公少與孟郊張籍友善而觀諸權門豪士如僕隸焉瞪然不顧即此詩所謂也

權門

衆所趨有客動百千九牛亡一毛

孫曰司馬遷答任安書曰假令僕伏法受

誅若九牛亡一毛與螻蟻何以異

未在多少間往既無可顧

一作顧

不往

自可憐

翫月喜張十八員外與王六秘書至

韓曰張十八籍也嘗為水部員外郎王六集無可考據張籍有酬秘書王丞詩云芸閣水曹雖最冷與君長喜得身閑又賈島酬張籍王建詩亦有水曹芸閣之句疑此王六秘書即建也樊曰公長慶四年夏以病在告至八月滿百日免吏部侍郎張籍祭詩云中秋十六夜魄圓天差晴公既相邀留坐語於階楹此詩首言前夕雖十五月長未滿規則十六

夜作此明矣此  
正與籍詩合

前夕雖十五月長未滿規

孫曰規圓也

君未晤我時

晤一作語

風

露眇無涯浮雲散白石天宇開青池孤質不自憚

孫曰孤質

謂月中天為君施翫翫夜遂久亭亭曙將披况當今夕圓

又以佳客隨

佳一作嘉

惜無酒食樂但用歌嘲為

和李相公攝事南郊覽物興懷呈一二知舊

韓曰李相公達吉也據達吉前作相在元和十一年十二月明年九月罷不經郊祀而題云攝事南郊當是長慶二年再相後作新舊志唐初貞觀禮冬至祀昊天上帝于圓丘正

月辛日祈穀於南郊孟夏雩於南郊明皇定  
開元禮天寶初遂合祭天地於南郊其後遂

攝祭南郊故曰

攝事南郊也

燦燦辰角曙

孫曰楚辭天問曰角宿未沒曜靈安藏  
角東方宿名辰角曙謂東方欲曉時

亭

亭寒露朝川原共澄映雲日還浮飄上宰嚴祝事

上宰即李

逢吉

清塗振華鑣

孫曰鑣轡也祝曰馬嘶也  
詩輶車鸞鑣○鑣悲驕切

圓丘峻且

垣前對南山標

孫曰南山長安南山謂  
終南之屬標山峯也

村樹黃復綠中

田稼何饒顧瞻想巖谷

孫曰想巖谷謂思謝事也

興嘆倦塵囂

祝曰左傳

湫隘囂塵不可以居住囂聲也  
塵土也○囂音朽倦一作卷

惟彼顛瞑者

瞑莫丁切

去公



豈不遼

孫曰顛瞑眩感也言顛瞑不富貴之人去公豈不遠乎去一作云

為仁朝自治

用靜兵以銷

孫曰書用靜吉

勿憚吐握勤

孫曰魯世家周公戒其子曰我一沐三握

髮一飯三吐哺以待士猶恐失天下之賢人

可歌風雨調

孫曰論衡曰儒老論太平瑞應皆言

五日一風十日一雨風不鳴條雨不破塊韓曰禮記饗帝於郊風雨節寒暑時

聖賢相遇少功

德今宣昭

### 和裴僕射相公假山十一韻

集註裴度為李逢吉所間長慶二年六月罷相為尚書左僕射公有此和篇及感恩言志與朝回見寄之作假山一作假為山

公乎真愛山香山旦連夕猶嫌山在眼不得著脚歷著

畧切往語山中人與我澗側石與一作有來應公須歸必載

金帛當軒乍駢羅韓曰選絲竹駢羅○駢蒲眠切隨勢忽開坼有洞若

神剜祝曰說文云剜削也○剜烏官切有巖類天劃忽麥切又音畫終朝巖洞

間歌鼓燕賓戚孰謂衡霍奇樊曰衡山在今衡州霍山按周禮在冀州孫曰衡在

江南霍在江北霍山一天柱在廬江潛縣近在王侯宅傳氏築已卑孫曰史記

傳說為胥靡築於傳巖磻溪釣何激孫曰尚書侯曰周文王至磻溪見呂

韓曰書說築傳巖之野尚釣文王拜之祝曰磻溪太公釣處逍遙功德下不與越絕書太公磻溪之餌也○磻音盤

事相撫樂我盛名時

一作朝

於焉傲今昔

補注詩於焉逍遙焉何也○焉

於虔切

### 阮步兵詩

一日復一夕一夕復一朝  
顏色改平常精神自損消  
胸中懷湯火變故更相招  
萬事無窮極智謀苦不饒  
但恐須臾間魂氣隨風飄  
身終履薄冰誰知我心焦  
與張十八同效阮步兵一日復一日

孫曰阮籍字嗣宗累遷步兵校尉有詠懷詩八十餘篇其一云云公與張籍效其體

一日復一日一朝復一朝祇見有不如祇一作只不見有所

超孫曰超勝也食作前日味事作前日調不知人不死憫憫

尚誰要孫曰誰要何為也○要於道切富貴自繫拘繫執立切貧賤亦煎焦

俯仰未得所一世已解鑣孫曰解鑣猶言老也樊曰屈子曰老冉冉其將至兮恐修

名之不立其斯之謂歟○鑣彼苗切譬如籠中鶴六翮無所搖孫曰新序鴻鵠高飛

所恃者六翮譬如兔得蹄孫曰莊子蹄者所以兔得兔而忘蹄蹄兔網一本蹄作跡安

用東西跳還看古人書復舉前日瓢孫曰語顏子一瓢飲未知所

究竟且作新詩謠

# 送諸葛覺往隨州讀書

韓曰諸葛覺或云即澹師後去僧為儒公逸詩有澹師軒睡二首為此人作孫曰此詩所謂鄴侯則言宰相李泌也泌字長源貞元中為相封鄴縣侯泌之子繁時刺隨州後以亳州刺史賜死京兆府

鄴侯家多書

解見上鄴音業

插架三萬軸一一懸牙籤

韓曰唐經籍志

甲乙丙丁四部書各為一庫御書經庫紅牙籤史書庫綠牙籤子庫碧牙籤集庫白牙籤以別之○籤音簽

新若手未觸為人強記覽過眼不再讀偉哉羣聖文磊

落載其腹行年餘五十出守數已六

洪曰公處州孔子廟碑為繁作也而

傳不言其為處州所載特隨毫二州而毫又在公亡後  
為之此詩言出守數已六而白樂天有紫刺吉州及遂  
州制則知史氏  
所遺畧多矣  
京邑有舊廬不容久食宿臺閣多官員

無地寄一足我雖官在朝氣勢日局縮屢為丞相言雖

懇不見錄送行過漥水

韓曰漥水出京兆藍田谷北至灞陵入瀾○漥音產

東望

不轉目今子從之游

孫曰謂覺從繁往隨州也

學問得所欲

韓曰選沈休文

詩所願從之游寸心於此足

入海觀龍魚矯翮逐黃鵠

補注龍魚黃鵠以喻繁於

學問志其大者

勉為新詩章月寄三四幅

南溪始泛

三首

樊曰公長慶四年八月病滿百日假既罷十二月薨於靖安里第明年正月塋河陽張籍祭以詩畧云去夏公請告養疾城南莊籍時官休罷兩月同游翔移船入南溪東西縱篙撐公為遊溪詩唱詠多慨慷則知公此詩其年以病在告日所作故云足弱不能步余年懷無幾殆絕筆於此矣籍又有同韓侍郎南溪夜賞篇亦云南溪兩月逐君行蓋謂此也曹直最愛公此詩以為有詩人句律之深意

榜舟南溪上

孫曰榜刺也月令命榜人榜人船長。○榜音榜又比孟切溪上它本一作山下一作

下溪上上不得返

上上二字前音上聲後音去聲

幽尋事隨去

一作幽事隨去多

孰能量近遠陰沉過連樹藏昂抵橫坂

孫曰藏昂屈曲貌坂坡也○坂

反音 石麤肆磨礪波惡厭牽挽或倚偏岸漁竟就平洲飯

點點暮雨飄稍稍新月偃

補注漁隱叢話云稍稍俗本作稍稍荆公所引作稍稍令

孤澄本作稍稍荆公用此改定稍稍者細也見方言

餘年懍無幾

懍一作諒

休日愴已

晚

孫曰公時病滿百日因致仕

自是病使然非由取高蹇

一作蹇

南溪亦清駛

祝曰廣韻駛馬日行千里駛疾也選活活夕流駛○駛疏支切

而無檝與

舟山農驚見之隨我觀不休不惟兒童輩或有杖白頭

饋我籠中瓜勸我此淹留或云以病歸此已頗自由幸

有用餘俸

一作今幸有餘俸

置居在西疇困倉米穀滿

困去倫切

未有



旦夕憂上去無得得下來亦悠悠但恐煩里閭時有緩

急投願為同社人雞豚燕春秋

韓曰禮記王制庶人春薦韭秋薦黍韭以卵黍

豚以

足弱不能步

一作宜步

自宜收朝蹟

祝曰詩念彼不蹟注不循道也爾雅不蹟言不

循軌跡也

羸形可輿致

祝曰史記形羸不能服藥

佳觀

○蹟音跡

安事擲

祝曰釋名觀於上觀望也老子雖有榮觀○觀音貫事一作可

即此南坂下久

聞有水石拖舟入其間溪流正清激隨波吾未能峻瀨

乍可刺

祝曰瀨湍也楚辭疾瀨之素水○瀨音賴刺七迹切

鷺起若導吾前飛

數十尺亭亭柳帶沙團團松冠壁  
時還盡夜誰謂非事役

一本作帶柳沙冠  
松壁洪曰非是  
歸

五百家註昌黎文集卷七

謹案卷六第一頁後四行注又匈奴傳兒能騎羊  
刊本匈奴訛東夷羊訛牛並據漢書改

第八頁後六行不自閑其閑至七行豈有臧不臧  
五句洪注今本脫其閑間糞壤多不臧八字按  
考異謂諸校本多不言未知果否故仍闕之今  
考胡仔茗溪漁隱叢話云嘗得善本多八字所  
載與此本合疑是舊本當從之但叢話稱所見  
本乃二詩自我有一池水以下分焉未詳是否

存異

第十四頁後八行題注果嘗為公所覽言至此始識其人也刊本訛綴言字於所字上據文義改第二十四頁前八行注野雀安無巢刊本脫野雀二字據樂府古題解及馮惟訥詩紀增

卷七第四頁後一行注半圭曰璋刊本曰訛章又魯得郊天故錫以白刊本脫魯得郊天及錫以六字又白訛曰並據公羊傳何休注改增又龜

判謂龜玉也刊本龜判訛判龜據公羊注及文義改

第五頁後五行注陳楚謂之臺魯齊謂之莧關東西謂之蕪菁刊本脫之臺魯齊四字又脫東字據揚子方言增

第十頁前四行注漏晝夜共百刻今增其二十本漢成帝時齊人甘忠可所造刊本脫今增其二十五字又成訛武據漢書增改又五行並李尋

傳刊本脫李字據本注體例增

第十八頁前六行末沫於前徽刊本沫訛沫又注沫昏也刊本昏訛已按此蓋節服虔日中而昏之文以釋沫字也據字書及釋文改

第二十頁後八行題注重遭五楸牽下刊本衍末詳二字按註蓋證此詩為在告時作也題與詩俱無末詳處據文義刪





總校官庶吉士 臣侍 朝

校對官庶吉士 臣陳文樞

謄錄監生 臣勵世馨